

Eustratios, Rhodios, Themistios, Theophrastos, Psellos,  
 Ephesios, Aspasios, Montecatinos, Mirandulanos, Pellegrinos,  
 Accorambonos, Cremoninos, Cæsalpinos, Claramontios,  
 Avicennas, Averroës, Albertos Magnos, Thomas, Scotos,  
 Occamos, Durandos, Conimbricenses, Toletos, Mendo-  
 zas, Fonsecas, Suarezios, Vasquezios, Arriagas, (& quis o-  
 mnes enumeret?) in subsidium vocare velit.

II. Attamen ex uno fonte, inquies, hi omnes suos deri-  
 vant fluvios & congeneres adeò aquas in Oceanum istum,  
 quantumvis vastum, convehunt; cùm ista sententiarum è  
 sectarum diversarum scholis colligendarum colluvies con-  
 fusum quoddam chaos esset futura, è quo Philosophiae Ty-  
 ronibus decentem hujus formam effingere foret impossibi-  
 le, confundendis & ipsis ac obruendis opinionum varietate:  
 quantò melius igitur esse ab uno duci quàm à multis in diver-  
 sa rapi, unum κέρδος sequi, quàm, quem sequaris, in tanta  
 hypothesiū multitudine statuere non posse? Respondemus,  
 vera quidem hæc ex parte esse, ad rem tamen nihil facere:  
 Eclecticam enim Philosophiam præ Sectaria dum commen-  
 damus, non Tyrone volumus ac noviter initiatos Sectarum  
 omnium scholas perreptare, & Virorum doctissimorum di-  
 versas hypotheses proprio judicio excutere, ut qui judicium  
 non parvum pravumq; sed liberum ac defoecatum, quale  
 tyronibus non est, in re tanti momenti sub ipsum tractatio-  
 nis nostræ introitum requisivimus; quemadmodum, qui  
 Aristotelicam Philosophiam ex Aristotele puta ejusq; inter-  
 pretibus hauriendam laudant, tyronibus certè, ut hujus Phi-  
 losophi scripta & multa & obscura, nemine manuducente,  
 legant, & ex interpretum variantissimis explicationibus ejus  
 mentem ipsimet dijudicent, non nisi imprudentissimè in-  
 jungerent: de matura ætate & judicare jam docta nobis  
 sermo est, ac de docentibus magis quàm discentibus; ita ta-  
 men, ut non illos tantùm dispersam longè lateq; veritatem  
 philo-